

尊
聞
居
士
集

尊聞居士集卷二

瑞金羅有高著

敘跋

東莊遺集敘

南郭子綦曰我悲人之自悲者我又悲夫悲人者我又悲夫
悲人之悲者其後而日遠矣是言也子嘗載讀而疑之悲人
也悲人之悲也宜無若聖人然聖人日與萬物醅醕往還撫
摩嗅咻之若慈父兄子弟渾渾同同呂萬物爲體而萬物
自莫之及豈不遠哉必也離萬物呂自潔寶獨畏羣是不能
亏物息逃空虛休息而已先自物也何遠之有然而曰遯世
無悶不見是而無悶論語偁不知不愠記偁依乎中庸其意

與荷蓀丈人晨門接輿長沮桀溺荷蕢之倫同邪不邪聖門
諸賢其文章政事達之天下皆有康濟斯民之實非虛談者
鼓瑟浴沂與轍環天下之惴其果同邪不邪而聖人歎之所
謂日遠者殆是與去聖久遠微言宗寥千有餘載有志之士
抱質而趨各就其所明自爲方藐然未覩憂樂之原人已
通合不貳之故其夢夢于宮室妻妾文藻聲歌醉飽瑣屑之
需者不足言矣君子博觀古今昇失之林又頗習聞聖人吉
凶與民同患之說有動于中薄走匿沈冥不返之徒爲非奮
然息建功名于當世所如不偶還無聖人爲之依歸則怵惕
煩懣自傷徃徃不免焉能無令人益息聖人乎哉彭子允初
輯東莊陳先生遺集成呂授其友羅生有高且曰吾子昔慕

先生名惟子能知先生子其敘之予讀其文其詞徃徃與南宋之能者埒其志淡而味隱其子綦所謂悲人者與悲人之悲者與昔予受業翠庭雷公嘗從問當世豪傑賢人公輒言先生曉世務食貧著書有節概予心動欲見先生上下其議論及予至吳而先生沒已五年矣所欲誦亏先生者僅乃發之簡端也

鄧慕濂先生遺集敘

有高弱冠時慕馬周張齊賢之爲人也伏而治賈太傅陸宣公之書旁及兵政河渠天官測量諸雜說未窺其涯畧然已所弛甚睥睨儒冠者謂不足用亏世旣聞雩都宋道原有迂怪名欲一見之而無因太守試雩日則五鼓起走太守衙前

索舁之問寓處而別已訪道原開口自吐其所負道原愀然
曰爲非儒者當務之急也則述范文正語橫渠張子之語曰
箴之且介曰謁其父執鄧慕濂先生先生溫溫躬躬未嘗多
言說飲人曰和余旣還而嗒然若自喪也其後再見先生于
南昌先生問新功無曰荅流汗浹面背他客來罷去不及聞
先生教語而先生遽歸贛予亦自此南走閩北出遊吳越燕
趙不與先生相問者七八年然先生每見道原必詢予學業
進退緣之爲憂喜及予自燕中歸而先生歿已三年今歲秋
予過道原賴溪道原出先生遺集共讀之肅然曰興慄息而
自慚蓋予之志岐弓文字嬉遊之末困阻弓疾病而不能自
彊也久矣此先生之所深痛也先生措辭簡樸論學者隱微

沈痼之病若定水燭癰亦倡爲予而發者韻言理致瑩澈可
書而誦也予旣竟業因次其昇校先生遺集之由負慙而書
其端

二崖遺草敘

輪囷杜茅江渚匯泉爽籙之炎燄陽燧望明哉魄故聖人榮
微而慮眇淡相浸離實燥物相切乘呂風土計遠道陰翳解
馭水木火之性大遂明煌煌旁燭四天下鬱茂浩漭燁赫晶
素冪空蚩氓悉驚怪仰畏慕樂則水木火月之能旣暴也悲
夫二崖所呂自見微眇矣其知驚怪仰畏慕樂之者其誰哉
乾鑿度曰天气三微而成著三著而成體淮南子曰貴虛者
呂蒙未爲宅也太史公曰非其聖心呂乘聰明孰能存天地

之形而成形之情哉聖人制制規度核其藝存神基眇眇効
其情故萬物暢滋士梟樂育焉呂竭才禮樂之設詩書易春
秋之教所自養人之微達人之微者繁委周浹使人積微而
不自知誠惜其微也周衰陵遲學具毀漫而不釐壹綦興綦
廢干有餘年至我朝宅土光究聖緒而二崖適遭其休所
處僻遠未昇浸濡學官之澤涼涼抱微三變其業乃知呂程
朱爲師觀其遺草其亏倫類之際情固殊焉其情將日湮學
將日充辭且日達而不卒早死呂其微眇者見亏世吾知二
崖抱痛至深矣知微君子覽其辭當亦歎息亏成著成體自
天而爲之廢卷流涕也

儒門法語後敘

在昔南昉先生身任斯道之重信竺行果至老不卽懈手集
先賢微言甚具而儒門法語一書裨後學尤切孔子曰法語
之言能無從乎聖人徃矣遺法旣湮缺焉規矩放絕禮樂射
飲琴瑟之化微語之存者燼脫亏秦灰晦蝕亏功利淫豔諸
俗學千餘年來學者失型昧本軼閑不馭日馳騁末流聞見
雖廢服食之事無擇潛引陰陽不正之氣穿藏厯節漸染成
沈疴愈益甘嗜軟輒慢靡曼好惡是非殊異不通同倫物聾
盲瘵痺而生生之理殆矣天之發熱也雷霆殷殷蠕動具震
良工糾材繩斧用施國醫破癥積鍼砭已厲聖人窮變救時
稱法而語語乃危不危法不呈頑懦不興孰知德馨於戲子
朱子已下諸先正所已繼先聖而揚聲而南昉先生所已正

衿而著錄之之兢兢不召此哉雖然改之爲貴酣嬉醉寢之中耳若無聞也目若無見也師保過乎前則視驟開謹謹諄諄刻肌到骨洞微觸痛啓羞而聽亦審本然之良如泉涌沸如火熠燿曠然莫測所從生陰翳解剝德慧著精與聖同情官骸就範與聖同形易知易從之理斷可信矣杖履未遠明已外淫謦欬方宋耳瑱聰去次寥亡音入縱出檢安故若歸若狙猿逃檻逸乎長林百年曾幾何忍抱憾尤已終身豈獨孤負昔人邪然則承法語之後何道之從也曰視亏無形聽亏無聲若孝子之事親日永善萌廣游詩書培而滋榮將陵青雲實碩且繁夫有高之讀是書也蓋愾然而增歎矣志之後方用自觀省焉

緣善錄敘

漢賈誼書稱顓頊帝之言曰至道不可過也至義不可易也功莫美于去惡而爲善罪莫大于去善而爲惡故非吾善舊而已也善緣善也非惡惡而已也惡緣惡也陳生愷齊承先世善緒雖季少而日惴惴懼失墜一意勉爲善不忍曰宴安自昏怠誠致鏡乎善惡之數而欲薙絕諸惡之緣臣爲廣集衆善之地蓋庶幾乎顓頊帝之教臣推引先世之緒而長被之亏無窮也故力可臣極華靡而唯素樸之尚節汰浮費嗇嗜好而亏濟人利物之舉赴之若饑渴久之昇福建黃氏陰騭書數種讀之感應之理愈析志善愈堅觀同類而動則慨然曰人之欲善誰不如我我欲善而謂人不欲善乎亏是劑

厥黃氏書而廣布之既而有高歸自蘇州過中谿攜彭允初居士傳數首陳生又見而說之附刻于後命之曰緣善錄而屬有高紱其端夫人之情莫樂于緣善莫不樂于緣不善無智愚賢不肖一也然而善人少不善人多何也翫小善小惡而亏陰陽感應之理疑然參糅而末之沒也夫翫小善後善無所緣而善日虛矣翫小惡惡緣惡惡積而大矣若而人者明畏朋類之指摘王憲之誅罰而幽畏鬼神跼地躋天亦何樂焉積重不可反而遂忍而遂之也漢昭烈帝之誠後主曰勿召惡小而爲之勿召善小而不爲至哉言乎是淡明乎緣之分者與漢東平王荅之言曰爲善最樂夫爲善而樂至天下無樂召竝之而唯是樂爲之最是爲緣善之至一者欲不

有衆善昇乎有不身康彊子孫逢吉乎此陰陽感應之理之一定而無爽者讀是書者尚其於此致志焉

同善會敘

善惡乎始善之始始亏生人之初矣均是人也則均有初也受命成性性祇芽本情善內充無待外益而各足者也情僞旣感我人斯立愛惡萌滋利害傾敧形氣隄亏水土撓變亏政教溷濁亏塵俗俯張其情假借倫義召遂嗜慾飾善翼私日備其初入羣而敗羣羣道苦矣凡在天地之間含氣之屬其有離羣獨處者與無有也羣不適善已獨善不善之羣接亏見聞漠然置度外不牖輯之苟其淡心懷一體之仁其然乎卽欲康身建家長子孫計子孫久遠保無繹騷相搖變之

慮乎夏夜與人共帷寢其先寢者畫寢界而逐寢愚者笑之矣室有東西廂任東廂之圯而不葺則西廂且繼而頽明乎羣者禍福之必相及也然則不能離羣莫若安羣而無害安羣而無害夫固莫若同善之昇矣吾友劉君心芻天性樸忠好治三代古文樂積善志氣日彊謹然有敬宗收族之誠曰爲敬宗杜嚴祭祀收族杜教養之有資也族衆公產微欲舉苦不給亏是商之諸弟繡軒彩軒諸子東亭藹亭淵亭敬旃葵亭謀合志翁各出私財輸之公命曰同善會心芻曰吾願吾族人同勸亏善也願吾兄弟諸子先同亏善曰開之拓會之產曰待用行將修釐祀事爲書屋蓄書敬學植本恤貧無告者務使倫義明風俗厚一族之人束身 國家德教爲

不悖之民漸呂被吾鄉鄰焉乃復呂謂有高曰惟吾子之豐其悖也夫心芻不呂已獨積善而忘族可謂知積善之道矣繡軒諸君扶義勲美倒筐篋而不辭非戴仁由禮嗜善至竺者其焉能之人各有本情動者且衆動者衆則其爲同也益大不可圍廣已之積爲同合人人之積爲大同而轉呂博吾積快吾獨而適昇人已之本情萃爲善羣呂游行丐貞吉熙和之宇無詎無虞人我坦忘返丐泰初庶幾乎其與天爲徒者與豈特劉氏一族之祥卽一州一省亦有不昇域其推暨者劉氏諸君其敬持終之有高歡喜蹈舞敘始事焉

蒿菴文集敘

右蒿菴文集二卷已校定可繕寫敘曰至聖沒微言絕七十

子喪大義乖漢之儒者病之矣自是之後道術裂師法蕩六藝之旨散二千餘年學者迷謬本統各沿其性之所安治業成德輒者同之省者庸之不省者非異而攻之仁智分亘羣執不舍斷斷於一門不能匯一歸原還孔氏之舊濟陽蒿莽張氏生明季具異稟治古文悼道之譌駁藹處無師友進獨志而與之窮疏濬羣言統同辨異呂仁爲首呂禮爲綱呂和爲受呂容爲行淡怠力踐煩然枕然不復疑闕讀其文辭可攷而知也於戲匯一歸原復還孔氏之舊者吾不昇而見之矣若蒿莽不可謂無其意者也其儀禮鄭注句讀敍夏小正注敍弟子職注敍詩說畧敍俱有錄無書諸經說吾亦未昇讀獨昇是二卷校之婁覆之不默其感發予至淡遠而竊喟

息亏三代吕下道教授受之膚末失紀用諗吾同志當有慨然奮興紬蒿莽欲竟之緒而純之者與吾旦莫齋肅願俟之

蒿莽閒語敘

余既校蒿莽文集敘之復推蒿莽爲人大指爲之傳既又尋蒿莽閒語翫樂之亦頗有所槩正疑者無貳本可對則闕焉余亏蒿莽曠世之感淡矣蒿莽自敘吕爲亏經術無關大義亏世事不切尋失故命曰閒語蓋遜言也人亏物理或規

切察視也或覓丑江切視不明也

用厝因之閒劇殊焉其何常之有合笙等張

琴瑟稽之吕師曠調之吕瓠巴而人或不聞黼黻文章之皇皇律天象效物采組之爲絺繡功之爲繪事而人或不見漠無所取取之而不精閒者衆矣古之六藝幸不至亏閒利祿

涂馬耳濯纓之歌犁然當至人之心聖師終日言而名賢晝
寢莊周曰豈唯形骸有聾盲哉噫既醉既飽婁舞傲傲將無
更呂我爲寢語乎

醉樵軒集敘

黃帝算法總有二十三數二十三者一二三四五六七八九
十百千萬億兆京垓垺壤溝澗正載也從壤呂還數分三等
下者十十變之中者萬萬變之上者億億變之華嚴所談何
僧祇品用上等數法自一百洛义爲一俱胝乃至阿畔多阿
畔多爲一青蓮華青蓮華青蓮華爲一鉢頭摩鉢頭摩鉢頭
摩爲一僧祇僧祇僧祇爲一趣趣趣爲一至至至爲一阿僧
祇乃至阿僧祇轉阿僧祇轉爲一無量乃至此又不可說不

可說爲一不可說不可說轉數義廣大非世算之所究也上
哲聖人知來藏徃亏一刹那中具如是無量無量不可說不
可說光明清淨智具如是無量無量不可說不可說光明清
淨上光明清淨剎光明清淨解脫光明清淨悲願光明清淨
法身光明清淨佛事光明清淨神通具是義故神妙萬有知
周萬物文心安安上下與天地同流詩云予懷明德不大聲
召色不長夏召草不識不知順帝之則又云無然畔援無然
歆羨誕先登于岸此之謂也若乃猛勇丈夫驚心因果惻志
昏衢善聞歷耳信根矢發亏一刹那中亦具如是無量無量
不可說不可說熾然取淨舍藏微細差別光修集善法關閉
一切諸惡趣門記曰如好好色如惡惡臭此之謂也色界欲

界二天航色樂欲樂亦亏一刹那中具如是無量無量不可說不可說受用愛染諸細妙情卽亏一刹那中具如是無量無量不可說不可說六道四生輪迴根本詩曰汎汎楊舟載沈載浮易曰精氣爲物游魂爲變此之謂也夫欲疾斷浮沈因緣得無變易福智莊嚴身無如齋心念佛矣詩曰旣見君子我心則休此之謂也秋潭漁者澹慧天成隨喜真諦旅泊人閒析色空有了聲生威著醉樞軒詩詞十二卷妍麗清窈到目霞爛定視水白關尹子曰言之如吹景思之如鑠塵漁者有焉夫漁者曰誦首楞嚴因緣成百緣語業其亏佛說情想分涂其知所鑑矣其非善星比丘之爲見也沒矣雖然姪舍安禪固文殊事哉阿難厯劫多聞不能自脫亏摩登伽之

幻術瀦歲而忘可目文字解路承當邪願漁者無負誦首楞
嚴因緣轉如是如是慧口慧心贊頌卣方十六觀四十八願
迴向無量壽如來將一點一畫一文一句一義悉具無量無
量不可說不可說光明清瀦功德莊嚴具如華嚴阿僧祇品
數量豈非雄猛大丈夫無上希有趨大法流之瀦業哉尊聞
學人不自揣量願爲漁者合十翹誠稽首作禮燒香供華吮
筆磨墨詩云誰能亨魚旣之釜鶩誰將卣歸懷之好音漁者
其能無意乎

無量壽經起信論敘

同學友彭生紹升述無量壽經起信論成書命有高曰勉敘
之有高諷經論反覆光明雲流骸藏郁潔喉舌聽視曠若新

有久渙膏釋弗礙弗攣閣卷欣慶讚歎佗禮善哉彭生乃能
發起如是大心乃能僭何如是大法乃能唱演如是妙義乃
能流布如是經典善哉彭生不忘屬累不忘宏誓慢昇遭逢
聖清樂國仁壽光被萬億器界恒沙有情應共信受應共
證入無量壽經今正是時我觀有情瞻望壽命黃髮難老百
千萬歲我觀有情欲無穀期宮室被服飲饌什器園池萼鳥
及與音樂未昇欲昇昇已欲備備已欲當當已欲好此好彼
未欲彼俱好彼俱好已又欲精良一一精良淫巧瓌奇欲轉
變生匪有竟闕我觀有情欲善眷屬色澤壯姣知心順指迎
機赴節團圓和合富貴聰明我觀有情微塵計校束歸貪欲
不出斯等諸斯等欲承誰恩力舉體光明無量壽經無始無

明執吝成想想幻塵勞虛妄景事無住爲本生威爲性盤古
開天英雄大人廊廟金貂巖穴黃緇散材下走靡哲靡愚腸
中車輪轉轉不滯污歲滯田雖培苦本助發苦芽蕃苦枝葉
點綴苦萼結苦果仁甘苦謂飽戀苦護苦立苦辯說建苦鼓
旗爲苦效忠爭鋒沒勝如聾如盲有耳有目聞見是經依正
莊嚴功德殊勝如海爰居見鐘鼎陳駭怖竄逃謂當謀我離
本久遠智桔情遷爲鶯爲蜩笑九萬矣游盤豕蝨湯火寧知
廟犧麗碑枯魚過河求悔再及而并不昇不其痛而我釋迦
尊慈愍有情火宅毒藥昧珠客作窮露癡顛順其欲然激揚
引導權巧方便曲垂濟拯千二部經廣說靜土而亏是經專
指由方觀經觀行小本勸信是經願門尤異方便我友彭生

入是願門竺念有情釋經述論謂發大願全馮信相亏是博
攷大乘經典約采精華疏濶正信亏是乃知欲爲苦本欲爲
道本用欲知方出宣大願亏是乃知佛大願力我大願力無
二無別平等平等亏是乃知十方淨土依正莊嚴佛非有餘
我非虧欠亏是乃知姪怒癡性當體空宗無量壽經無終無
始生佛正等作如是觀豈昇不信火則能燒久則能寒飯則
能飽烏喙能毒如是信已離信名字開大願門出生念力一
聲佛號忘義忘季敬作頌曰歸命卣方漸滿尊圓證三身無
量壽歸命難忘真教體歸命難數聖賢僧寶臺巍巍漸光明
徧照微塵國土衆本師親口如是說是故決定攝受我願我
聖清萬萬禩太平豐瓊人康和念佛同報君親恩人人念

佛爲忠臣人人念佛爲孝子人人念佛安處善人人念佛樂
循理良男淑女家家有甘雨景風調四敍人人念佛了自性
人人念佛證唯心一期報盡共往生見佛聞法克大果不離
安養入諸刹還召念佛敎衆生六波羅蜜一聲佛諸陀羅尼
一聲佛如幻聞熏聞中持諸圓通想盡皆攝我禮十方發是
願十方三寶證明我更願善友若彭生生生會值爲道侶我
願如空非思量是故歸命無量壽

倪九山詩集敘

予自避事居隱客鄞縣邵生所求及亏生生爲言象山倪生
好學殖身忠敬造歌詩禱文善狀物達類屬辭心嚮之恐不
見當也頃之昇一見終日柴不昇語繼見水音徐奏泠然生

去而愴恍爲自失也自是漸密近或相與語或默接醕神明之際莊寔有言不可呂容聲矣既生盡發其詩使予論之匪曉夜繙吟凡七八日說呂解則漬硃寫著詩端徃徃瀏栗瀾漫不自謂長也詩緯含神霧曰詩持也舊秋說題辭曰在事爲詩未發爲謀鄭康成注內則詩負之謂詩之言承三訓者之說詩故矣乎吾乃見倪生之溫而新之也不一蹈漢魏唐賢宋明之跡而操規矩自成也知可謂遠矣卽卿氏曰詩者中聲之所止也夫中聲者貫萬物爲同物假呂鳴而不必假物呂鳴也詩也者彙萬物不等之鳴各指所之襍比成文呂宣壹見和者也匪襍不一匪比不和有承有事有持不可苟也如是焉中聲止焉矣當其萌芽亏心畫亏書心書之閒傾

師曠之耳無聲也萃三古漢魏至今茲賢聖仁人忠孝貞專者之辭傾師曠之耳無聲也至於樂語呂歌之攷金石絲竹八器呂播之毛羽或爲之低回艸木或爲之榮說而在受天地之中有倫理性情之故鳥感而不適逢其本善者乎是止之說已吾觀今昔盛傳詩辭昇滿斯悒者蓋鮮矣餘姚邵生見倪生詩太息曰是內心之發也吾敬之其言頗與中聲之言相發惜予落拓不足張倪生爲綴訓故敘書尾存予與生相取之義云爾倪生名承天字象占呂字行一字九山

壽沙斗初敘

邵子曰士君子之容其冠進其衣逢其容良儼然壯然祺然肆然恢恢然廣廣然昭昭然蕩蕩然是父兄之容也其冠進

其衣逢其容慙儉然怵然輔然端然紫然洞然綴綴然瞽瞍
然是子弟之容也二容者吾友有沙先生斗初蓋嘗兼體而
時出之矣沙先生少食貧服賈力學好詩呂行義傳名聞著
賢公卿閒游日廣讀書日多閱義理日博通解人情事物窮
其微眇用呂反鏡已自難其習充中外溢呂有斯容也何言
之吾見沙先生之見安雅君子也抑抑謙下之捐所已存曾
中空空如詳如問必罄帑末呂是爲樂焉忘理勝之在已也
在人也其容有然也其見平人也詎者與言誠險者與言易
戾者與言順貪者與言昇失鄙固者與言通辟諭切淡鬯白
聾愚解說若聽視驟開周通斯意呂與人爲善自樂也忘彼
之爲輿隸負販也忘彼之爲斯養役也忘彼之爲乞人也不

忍逆呂能變不能變擇也其容有然也其平生爲人大情多
見丐詩其詩吾未多昇誦在京師嘗於潘子守愚所見游鄧
尉詩誦之不厭如見沙先生焉沙先生長身美須口談最賢
序理事節族廉肉奇異酒者罷柘飯者罷匕默者笑瞑者起
蠢者翔舞滑稽不窮而不淫頗也好與情學佛者游好居佛
寺好觀佛弟子戒儀好從其徒飯募化雜飯甘之飽飯之呂
爲樂不好殺生物好放生物人呂爲迂怪呂好之而未嘗輟
也病世人病多好醫好溪窮醫術精覽黃帝岐伯秦越人長
沙張氏書謹驗其方方驗精良則大樂於是好醫人而又自
謙道未博不敢自名見庸工十不全五或三或不一全大感
有知之者呂病請立行處方而瘡大樂忘病之在已也在人

也其容有然也沙先生嘗曰始者吾好詩習古人已然詩甚勞吾旣已爲闕事無益于人置詩而業醫其勞倍于向者習詩時技旣成而無所用日見庸工茶毒人意悲之弗能禁也又不能家諭病病者使知我使其人專壹聽任我或任我而閒庸工參我敗則歸辜我又病病者父子兄弟童奴好已車馬被服擇醫已車馬被服敝鮮有無沒醫良賤病候輕重又惡人誠言樂庸工之承意觀色顛倒重輕實苟已慢慰目下習欺不寤大亡財已殫不知悔吾若是何哉予笑曰伊尹負鼎殷湯已王百里奚飯牛車下穆公用彊先生乃徒惻心何不佞牛鼎之合與沙先生正容曰吾老矣吾聞斯言晚親藜藿敗絮四十年身口安之矣吾不改矣其負氣自固如此

今年予再游京師正月道吳沙先生與滢子薛子彭子李子
送予至虎邱滢子曰今九月某日沙先生降辰也吾待子以
秋爲期將已矣是日造沙先生飲酒同學諸子咸願爲歌詩以
飲酒之文屬于子子無辭予諾之而別七月南歸舟過武城念
諸子愴然感懷憶滢子之言謹見沙先生容著其議論之有
概于予心者致誠而文之

別魯絜非敘

元賦執徐之歲十月予歸自京師過余友魯君絜非之居相
見相視兒而驚悲喜雜至蓋予兩人之不相見者十季矣十
季中人事通困哀樂之遭交游之離合學業之進退不相見
相結亏心卒其完潔憂其缺汚卒其由亏正直之涂而憂其

蠶午亏反側牽其旣根膏實而致憂其眩亏萼牽其強富日
新而致憂其晝近而自固旣相見絜非乃吕子之分志亏佛
爲蠶午亏道又頗吕予之學亏佛而攻文辭爲有類亏萼者
之好也心憂之而辭鍼之矣夫子之學亏佛也其始僅知樂
其文術之精吕爲可資吕善吾業其繼樂其戒殺放生懺三
業持五戒之說吕爲可吕輔助乎王事其旣樂其反聞逆流
斷苦集本滯惑除漏之修吕爲其悵與大易中庸相表裏服
之久而志開觀亏人世之禍福倚伏倥倥失馳而不反者
衆頗吕業種自然因果相續三界幻妄之理爲确不可易而
其信吕成亏是恩白之亏天下後世吕通儒釋之闕疑其雖
闕博爲之隄而願竭其才吕盡心亏文章是其所守非侈然

慕芻者之能同是。且不自而自轂也。絜非好議論也。絜儒余嘗。且唐韓子之業相推而絜非謙遜未遑也。其不忍冒約。且爲泰也。其將既至之而不自居也。其將躬著夫韓子之道上昭融。周孔。且大信儒術也。予願庶幾乎柳子焉。絜是將別絜非。絜且釋絜非之結於心者。吾知絜非之結於心者終無已時也。

敘游贈族子任之

任之將游過桐山告行。絜其族父有高曰。將何之。任之曰。未有方也。夫任之則已行。季三十矣。古人有言曰。安鄉里。雖耳目害也。吾將求吾師友之所在而游焉。吾又未知吾師友之所在也。且是而未有方也。有高曰。異哉。古之人有求師

友而出者矣則必曰某所有賢人吾裹糧而從之今子蹕而游安稅駕乎吾聞之同聲相應同氣相求蘭槐之根厭于叢石之下人爭覩之臭味也且夫游于陸者若游水習水者泅忘水者俱齊出入而不傷薄薄之地洶波之積也易之則溺子何蹕而游任之曰有賢人逖聞其薌信爲蘭槐之根也樂之而未之見也吾不設曰未見之賢告先生而竊願游焉曰徵吾信也徵則吾之方也已有高曰然則子之方定矣糧具乎任之曰非義之財瀕於溝壑而不忍污也有高曰美哉無當之橐不匱之原也然則舟具乎任之曰人我藝也我不敢曰人藝也信吾色不敢失色也信吾言不敢失言也曰爲舟其可乎有高曰善是千斛之舟也古人有言曰大人溺于民

君子溺亏口小人溺亏水皆在其所聚也吾三折肱亏茲矣
踐斯言吾謂千斛之舟也猶隘之也雖然無飄楫置之河干
乎焉游矣雖游必泥任之曰翔而後集也色斯舉矣未之能
也願學焉夫任之則又嘗好窮觀亏雲也風則流否則亭濶
物不功倫山石巖穴艸樹而不窒其形風疾風徐吕卷吕舒
英英洋洋澹乎出入而若忘吾亦未之能然也願學焉雖然
斯固大聖賢人之游也吾懼學之未能而敗吾舟也任之之
志蓋在小宛之卒章行吕之爲柁亏是歌曰溫溫恭人如集
亏木惴惴小心如臨亏谷戰戰兢兢如履薄冰有高蹶然而
起曰善哉踐斯言也無滿也無假也虛之而吕俟人也人其
樂告吕善而不厭也夫善將日衆矣衆善持之無溺矣雖然

知之匪難吾終願吾子之無游而晦亏山已俟學之有成也
任之曰雖然任之則旣矢之矣先生又申誠之矣行勉之不
設食也吾聞有賢人吾樂之而吾晝地而不游吾無如吾之
旦算積思也亏是又歌曰野有蔓草零露漙漙今有美一人清
揚婉兮邂逅相遇適我願今有高曰若是乎子之誠亏游也
吾何尼子矣雖然子游而吾子然若之何偈詩云匪載匪來
我心孔疚期逝不至而多爲恤子行矣及行送之山之隅又
偈詩曰人之齊聖飲酒溫克彼昏不知壹醉日富各敬爾儀
天命不又任之再拜曰謹服膺不敢忘於是高反舍次其
語他日不免重有事亏游存呂自警而別書一通追內任之

贈屠罕涯敘

予寓同年邵海圖家浹月因昇交其館師屠君罕涯罕涯兄
事予予嘗與言蘭陵卹氏積微之旨莫逆也又嘗與言九容
卽坐翻然改自此整肅體兒終日欽欽常若帝天之臨大賓
之對非笑罔顧毅然躬行不中月而慣蓋罕涯之力于善接
亏友乃若是其勇且忠也心敬媿之矣旣予復與之言九思
曷謂乎孟子言君子所性仁義禮智梠亏心傳曰民受天地
之中以生所謂命也是以有動作禮義威儀之節以定命也
能者養之以福不能者敗以取禍能與不能思與不思之謂
也外襲而色取不梠亏心也不思而襲不梠心而色取其不
類亏孟子所稱七八月閒之盈溝澮與故曰原泉混混不舍

晝夜盈科而後進放乎四海有本者如是思繼心長存其亏本也庶矣施亏四體不言而喻幾亏命矣然而道始亏勉勞植亏知本而成亏無曠時也驟而歸自然必不立矣作而致其情必不久矣勿忽小善勿翫小惡勿已終食之閒自偷不舍晝夜而時習之所謂善積微者也是說也予聞之亏師既早矣怠惰多欲自暴棄未之能習也罕涯勇善忠善予之所甚畏幸罕涯之匡弼我也敬書之已爲定交之獻焉

白沙先生墨蹟跋

乾隆三十六年夏六月有高自廣東之恩平上端谿夜過江門欲登碧玉樓

級人李素伯言玉長六寸許廣半之上銳下豐旁兩耳可呂貫組別憲宗曰此主聘白沙先生先生建樓懸之拜白沙

先生遺相雨溪爲阻竟不果至今悵之其秋渡合瀾海過零

丁洋反渡師子洋泊黃木灣謁南海神廟觀馬伏波銅鼓捫
讀昌黎韓子碑更上浴日亭觀所渡海頗自壯亭有二碑其
一爲蘇文忠公詩其一白沙先生次詠詩文忠詩元至正閒
刻殊不類文忠書白沙先生詩先生自書從橫怪偉與海爭
雄長後有湛文簡跋語盛推先生詩曰謂度越文忠先生又
嘗書慈元廟碑勇設祠碑弔莊烈婦詩碑游心樓記壯哉亭
碑精于畫字者尊寶之未之見也先生嘗自說其書云予書
毋亏動上求靜放而不放畱而不畱此吾所自妙乎動也尋
志弗驚危而不憂此吾所自保乎靜也拙而逾巧剛而能柔
形去而勢奔焉意足而奇溢焉自正吾心自陶吾性自調吾
情此吾所自游于藝也又言吾書熙熙穆穆番禺屈氏記先

生佚事云先生嘗戴玉簪巾扶青竹杖插萼帽檐徃來山川
閒有詩云惟有白頭谿裏景至今猶戴玉簪巾又云拄地檜
天吾亦有一莖青玉過眉長又云兩髻馨香齊插帽賽蘭萼
閒水犀萼是則熙熙穆穆之云先生無亦自鳴其德養深潛
之致而不必專論其書也然遂因而益慕先生書在廣東時
裴回咨訪竟不可尋今季過彭季子乃先後而見兩幅其一
季子自記之其一昇之稍遲尤神妙天然意去季雨中望碧
玉樓誦詩云其室則邇其人蒼遠倚棹狂吟不任懷惻觀此
卷默遇先生自道之旨拄地檜天瞻之在前夫何遠之有

周忠介公手帖跋

有高十二三歲時觀優至周吏部罵祠被逮吳中良賤洵洵

輒爲之旁皇攘臂氣鬱勃怒填膺浪浪泣下沾衣也其夜
歸侍家先生飲酒因遂從容問吏部事家先生爲敘說本末
并及同難諸賢事罷酒更出鈔東林諸公文字數十篇講解
指畫聲情激昂雪涕不能止而有高乃要歡欣忽忽欲跳躍
私念爲男子者應如是今不覺二十餘年矣亏吾友彭生所
得敬瞻吏部遺墨蛟龍屈蟠雲雨沈亭可想見吏部當時叱
咤風霆蛆視奴輩之故轉意童時觀優情懷與吏部竟有若
符節之合者民之秉彝好是懿德獨有高乎哉其慎無自罔
而已矣

黃丈靜山手帖跋

右黃丈靜山手帖共若干首黃丈爲吾師芝庭先生主鄉試

所尋士學古人之道兼通其辭粹然而明确乎有已自守也其爲常州鎮江端已率屬公餘閑閑讀經書治饌羞奉父母若處窮山艸舍時怕不知人閒有逢迎交際事已俗人頗怪之俄而挂彈章諸帖蓋罷官寓蘇時與吾師徃復之言迹其商榷醇醲易直而溫恭筆畫蕭散而冲遠不類勿遽書所謂君子安雅者與其時官事未了已遣諸子先奉父母歸江鹵念父母竺老慮感傷父母懷抱戚戚不自寧帖中偶有抑鬱悲訴之語已此也弟一帖云橐中支三月糧家無半椽亦不尋已動心皆實錄又云將求水邊林下結茅灌園讀書奉親誠黃丈之本志與未幾尋疾終丐放悲夫乾隆三十二年有高過蘇州館吾師南園季子九初嘗出示此帖又五年再

至蘇州則季子命工莊表成冊矣有高弓是畧再反復之一時師弟子雖離切磋相成之美百世之遙猶將被流風而興起況有高幸畧親炙師門又嘗側聞黃文之緒言也乎季子好賢竺故舊亦就是冊可類見彭氏後英尙永保之

二林居唱和詩跋

乾隆四十一年有高自浙東過蘇州故人彭君出是冊示予且命校其字之違古甚者畧一再讀之悲響璫瓏儼然迦陵頻伽二六時中和雅音也芬然曼殊沙華新好華片也獨念予今去化詩時六年尙復東飄鹵泊流落人閒靜業蕩無纖芥鼻疾等於須彌陳思王之詠飛蓬竟欲同之不蓮界之息何息乎息而不學自取困焉念之哉

尙書義跋

右梁君翥鴻尙書義若干卷已校定可繕寫羅有高曰本朝之爲今文學者吾舅元和江君聲馬爲古文學者則梁君渺然獨造矣學者說經病在景附經悞張其肌談不則順文學語而已尙書家爲甚梁君蓋倜倜乎錯綜合變盡古史之意者而竊惜其與江君竝世而處不見江君也

尊聞居士集卷三

瑞金羅有高著

書牘

與宋道原

別大兄暮季矣昔時病痛想已拔去根株近來學業當日駸
駸向上也大兄果亏自信杜塞門戶不能擴開識見平心息
氣斟酌銖兩以求諸儒先用意之所杜若先入之言爲主胷
中便已結成核子吾知解氣魄所到遂若爲極精極確無少
破綻因而成一私字生一愼字漫延滋長流一傲字較轢今
人蔑視前輩又有名公卿從而許可之亏是持之益堅牢不
可破狹隘醖酸竟成絕物疲茶一生良可痛惜詩云先民有

言詢弓芻蕘孔子取孺子之歌曾子聽童子之告虛受之至
無精無粗况諸儒先已不世出之資從萬死一生中鍛鍊而
出豈無一二語合弓孔孟足爲吾靠定下手者乎夫天地之
缺陷聖賢補之前人之缺陷後人補之非天地前人之不及
而聖賢後人之愈也蓋其理其數有不能不畱其缺陷待人
之補之者而如朱陸薛王則亦相爲補救如左右手之成人
輒輒之共行車參苓烏頭之互藥病斷不可已偏廢耳卽杜
數先生當日固自各有一片精神力求一是不設苟爲勦說
雷同也文言曰君子學已聚之間已辨之寬已居之仁已行
之竊願大兄闢開畛域恢宏徑庭於諸儒先之書不唯其名
唯其實不唯其耳唯其目不唯其目唯其心大舍細入兼綜

竝覈而一準之曰孔氏之言然又必平心息氣無或存分道
揚鑣之見而後能斟酌銖兩不爽毫髮少縱卽逝頃刻千里
矣有高學殖荒落語言淺安無當高深唯大凡不曰狷悖見
棄纖悉教誨之至望至望

與宋道原二

是非邪正不容不辨然夫子四十不惑此事豈易言之中庸
博學之博學箇甚麼審問之審問箇甚麼慎思明辨慎思箇
甚麼明辨箇甚麼亏此中認昇透踏昇審然後可言涂徑矣
今日說朱說陸爲時尚早必欲致辨恐起爭端無益身心徒
滕口說卻又增一重病痛其害不淺耳所聞行所知自日高
大光明吾果能巨身明朱子之學縱不開口誰不取證若吾

身且未踏著實地則朱子在天之靈將屏棄拒絕之不暇豈
以其能排斥陸王私引爲吾徒如世之瑣屑小儒爲門戶起
見者邪前輩云自己一箇性命千瘡百孔醫治不暇何昇有
許多閒氣爲他人說短道長邪明季七八月之閒當昇在府
城相會此時諒有好商量也有不是處老兄斷不可輕棄絕
之伏望憐而教之是所厚望也

與宋道原三

寧都昇羽儀書始知足下病浮腫幾斃道遠鴻稀未知近日
全平復否百病皆由心生此亦吾兄心病所發也方書言多
忽傷脾吾兄七情大概未昇其平日志無成而鬱而洩其氣
血安得不亏脾洩之孟子曰守孰爲大守身爲大守身固杜

衾景屋漏之間亦不外飲食起居之節吾兄亏保身之道豈其昧之然而侶未昇其簾也吾人本天地生生之理吕成气魄即吕生生之理爲性命要使日用之間機趣盎然融和條暢則病無自而生矣是道也聖賢順之吕固其聰明僊釋借之吕煉其相器第去牽與兄聚談見吾兄觸處成滯單詞片語動多窒礙曩時已私憂之而吾兄之觸處成滯也又有其故吾兄固不吕爲自信也而徃徃果亏自信吾兄固不吕爲傲物也而徃徃更亏傲物夫自信傲物皆凶德也豈杜志士而猶不知之知之而且遂之則吕吾兄之自信傲物其伏之也至微其發之也不覺出之甚正而其流甚偏其病相特杜絲豪之間是吕忍隱而不之察耳願吾兄細思之則去病之

方卽杜是矣

與宋道原四

伏承手教具悉一切甚慰向徃但所云精力衰弱實爲可憂
吾兄雖憂之而所曰培養之方終不能實心聽受故曰甚一
日將來急切不支悔何及矣吾觀老兄信奉朱子至竺朱子
全集中有調息箴一首若果勤而行之養德養身無踰此者
卽爲嗣息計亦無曰踰於此者唯老兄密切加意而已人病
舍其田而耘人之田此語當銘之座右也吾輩今覺老大不
宜鬪口角弄虛頭只有默默自反遷善改過懲忿窒慾實實
從自己隱微下鍼庶幾挽救亏末路倘再如此悠悠則無望
矣伏唯頌察不一

荅宋羽儀

來札意懇摯足見至性但微窺自己用工處未免猶涉景響會須辦真精神以求之當自有是其門時也弟竊謂人自謂不能爲聖賢者是甘禽獸其身也欲爲聖賢而不能辦真志悠悠然外飾以欺人者是甘穿窬其身也足下勉之

與涂南池先生書

前者覺慈一晤數十牽傾向之誠爲之大適古人所云目擊道存不可言容聲者蓋庶幾焉近讀大著中庸解道術篇悞粹而辭明雖固洵如有高亦釋然有春冰泮渙之樂況其融浹于道者邪道之不行也人莫不飲食而知味者鮮中庸之德無擇于鳶魚而民鮮能久瞬息之間善惡遞爲主奴敬息

義欲之界出入無時而不知所守而又不但暮月也若有高者卽其一矣慎獨之訓師友提耳而命之也亦數矣時或作之而不勝輟時之多也欲如混混之原泉厯晝夜而不舍行乎險而不失其信要乎不息曰著乎久曰收慎獨之功曰通不已之命其何由乎有望洋而歎已爾先生同善爲懷旣微示曰引而進之之旨矣使有高甘於自外而不自其平昔所蔽曰求明其不爲自棄者邪奉長者之察其本志而開牖之不任傾企之至

復彭允初書

前日昇讀手書愛我之誠謙沖之德溢亏豪楮欣竦兼集如何可言有高自束髮受書頗知曰求友爲志離家時拜別老

親忍淚惘惘有重違之色老父輒誦蘇頌濱上韓太尉書曰
廣之退而自念久隱約窮山中耳目見聞終無能自恢大善
量局隘過端將日叢別緒愴結則援茲義曰自解居京師三
年矣徵逐殺雜終無已發其意乃今身見償亏足下足下又
過侈與之厚自下不顧納人亏不安非所望也然其中心之
所存與其疑而未敢遂者輒復謹白之卒賜裁擇來諭云學
者貴求其杜我者求其杜我者而自昇之則動靜語默皆文
也其言确然至當冒圍衆說落藝而擷英未有能易之者也
至所云文與道離道與我離此自泥文緣道者之過非文道
之本如是也夫文與道一而已修之亏身措之亏事業者道
也修之亏身而次第其功候節目之詳明其甘苦昇失之故

措之亏事業而條布其治蹟敷悉其德產精微涵揉之極致彰往察來相協倫類出亏憂患同民不昇已之誠其言奇正不同其氣之行止節族之長短高下抗隊疾徐壹順法象之自然而不與己私智己其榮著陳修能之矩昭事爲之則烜照心目物察倫章則文命焉豈昇岐亏道而二之也若夫泥文求道者拘牽櫛比滯悞而失歸先不足概亏文緣道爲文者其亏道卽遠居之不安己道爲蘧廬其我與道偃背馳不僅僅亏離其施之亏文也駁淺礪而不裕破碎而不周盜據經訓如狐馮城如鼠穴社用己藏身而輔名與泥文者病異脈同候皆逐末昧本滑其天畀仁義之膚貢鄙倍之實忠信不立天者遁其官固非文道之本如是也亏道旣粗而文

亦僞焉者也歐陽子曰道勝者文不難而自至竊嘗味其言而論之生百世下上夷攷乎古人古人遠矣道之勝不勝雖有神姿難臆斷也其獲施云事者依其事曰攷焉其道可知也其不獲施云事者不攷諸其文將閭汶而靡崙臆疵黑白迷瞶冥莫臬未樹而晷景亂聖人憂焉故孳孳矻矻刪述不遑卒不忍安無言之訓曰幽萬世知覺之倫世儒曰聖門顏閔諸大賢不述文遂云文與道有軒輊都非事實顏淵冉伯牛先孔子卒孟子記三季治任之文無仲弓閔子騫或亦早卒故希所纂述其時孔子杜日月正明概羣陰拱伏大致安恭默而已曾子子思之時聖言漸支子張游夏諸賢互乖異各護其所聞故曾子子思事述佗衷一紛錯文大道曰佗表

至亏孟子大誇好辯之名益自任空言閑距竝厥烈亏禹周
不爲僭未幾道熄文裂功利之焰熾荀卿崛起黜機祥明王
道崇禮矯性呂庠世董生闡春秋文陰陽揚子行元文法言
皆命世豪傑克顯道麗文司馬子長友教董生軌聖跡其書
昇春秋之意班固譏之要未嘗深究其旨趣治遷書未精橫
相訾謗是時黃老之學徧天下自天子太后崇其術父談亦
治之至孰習聖緒微茫粗萌牙方武帝而曲學阿諛之徒方
秉政轅固生申公章句陋儒不足該徧大道遷獨奮與正六
經爲鵠見方自敘之篇其先黃老進游俠傳貨殖皆別具微
指非躬清濁之稟而亏道有聞者恐未易仿佛也揚子之學
見許亏程子目爲非漢儒所可及自後唐之韓柳李宋之歐

王劉曾明之王歸諸君子其行已各有本末詣故未大醇而
确分仁智之見來諭曰謂漢唐諸子概無與焉斯道之傳此
世儒相祖繩過高之論願足下平情稱量衡之曰中無輕附
餘也大抵古人入道淺深不能掩其文曰其文攷之則百
不失一要知聖人之道至大技數小辯亦必有所緣襲曰自
立况諸君子之卓卓者哉抑平其情虛曰畜之而已矣先儒
嘗譏韓子因文見道爲倒置本末夫去聖久遠不因文曰見
道師法蕩廢當何見之賴斯文之昭乎昇曰鏡悉先王治
已治人之遺規而荀氏司馬氏曰下各本心昇敘列未發隱
指因時察變補扶其偏躋原遠未分無大聖人爲之依歸操
行未輒向背離合小小瑕釁蓋所不免學者誠負真筌之志

博采慎心實效不日踐履不日訓詁汨天倪不日丹鉛沒素樸
優游濡浸斫慮而說心不日宗知而廣業寔有助焉其有不尋
已亏身世之故而抒之爲文必郁然而不閤沛然而無疑釐
然各當而不舛清明坦夷而無昏瞋拂逆之氣不日梗鬱之與
道爲體不日武往尾來綿古今絕續之隙是豈非可貴可樂而
有志者所宜盡心者邪嘗獨居澹念上下數千載閒戴文名
者如牛毛而尋系正宗可誦法若前所列諸公如晨星寥落
蓋其難也南宋迄明標理學依據最尊氣益矜心益大苟揚
司馬韓歐諸老不足當一盼所著書汗漫殺衍率陳腐孰爛
實爲大道所寓故文日敝而道愈不明閒取濂溪明道伊川
橫渠遺書讀之質亮通達彬彬然爾雅之辭也陸王二先生

世儒號爲不讀書守空宋詆之爲禪而三先生之文包孕事
理有條而不紊道勝者文不難而自至歐陽子之言其信已
其文偃陋而自夸飾曰知道其欺誕矣乎孟子論不動心推
本知言與養氣竝而繫辭傳備舉數等之辭爲學者鑒擇故
君子甚慎乎其文文不當吉凶生砭頑啓蒙害政破道皆文
之爲生亏其心朕兆亏語默動靜足下所謂求其杜我者而
自昇之是也卒竟之無妄爲異人任足下方超然慕淵泊
之行高舉遠引離俗氛而潔立翔方寥廓而愚者聒世諦不
休泥藪澤之見昇無爲足下所笑然感切知愛非足下之前
固無由傾倒也惟足下鑒其懷裁汰其不中果其向時求友
之願幸甚幸甚

荅汪大紳

有高近日只是亏此事入手處沒定不疑耳誓自今再不還
轉三載五載十載一生兩生十生百生挨去撥去務要究徹
召成佛度生爲期斷斷不設見些光景便休斷斷不設中止
化城斷斷不設趁口頭滑利向舌頭上承當欺已欺人作地
獄渣此弟近日自立處透脫漸盡程途尙遙吾兄何言之易
易也本分事上總無開口處只要死生心切實實要昇箇頭
啗不煮空鐺方日用處猛著精采將聰明見知盡情勦絕亏
此事庶幾少分相應苟能發決定心本無階級廣額屠兒放
下屠刀立地成佛尙何游移遷就眷戀不舍之有惟此一事
實餘二則非真願吾兄直下承當則收之桑榆亦未爲晚若

仰屋坐歎悼念從前不休已後又將蹉過矣弟與兄相交之
誼實出尋常有一字不切卽爲欺兄兄如尙博量情見不實
實下手便是孤負從上聖賢孤負生身父母昊天罔極之涖
恩已用支撐處全是門面執利上事已不從性光流出總屬
自私皇祠業識無明根本耳言盡于此千萬珍重珍重

荅涇大帥二

奉到尊諭讀之狂喜不謂已筵撞鐘而尋雷聲響答也但下
手時便須踏實地若已生戚心求不生不戚法無有是處教
中謂之因地不真如尊諭謂從可欲之謂善一句下手何嘗
不是正因但亏本分事上有蒙釐千里之隔也孟子此語蓋
指初果菩薩證位言之非工夫也孟子教學人切實下手處

只必有事焉而勿正心一語當下便是。不生不滅本體真將
袖珠示人。未法鮮大槩。器人未能直下一肩擔起。便走路去
耳。趙州問南泉云。如何是道。南泉云。平常心是道。趙州云。還可
趣向也。無南泉云。擬向卽乖。趙州云。不擬爭知是道。南泉云。
道不屬知。不知知是妄覺。不知知是無記。若真達不疑之道。猶
自太虛廓然。蕩豁豈可劈是非也。趙州於言下頓悟。元惺心
如。臆月。率有此等法。則上印佛祖拈華微笑之旨。蓋至簡至
易。不落邊際。不涉言詮。不由知見。劈作主宰。別尋輔助。總屬
功勲。信心錄云。執之失度。必入邪路。放之自然。體無去住。此
言宜三復也。然第所言已是。陳爛葛藤中。重上葛藤。祖師言
句。亦爲蛇足。再畫世尊拈華時。尙容隻字邪如。尙未脫則

當考古德語錄中覓箇真正入手處斷斷不可冒昧錯亂修習也

復涂劬菴先生書

昨辱手教意重辭謙未學淺陋自媿無以堪之有高氣質愚柔浮沈同俗未有不惑不搖之明确然之操持其涉於道至粗其又何敢揣量精微飾危言欺長者之聽觀乎然自近者出入憂患之涂察人情愛惡攻取之端竊以莊生有言善故靜也萬物無足以撓其心故靜也爲尋大學靜定之旨延平觀喜怒哀樂未發云云嘗妄意以爲卽中庸慎獨之功延平蓋欲學者自悟夫大中至善之體引而不發而其意固躍如也其不然乎至若灰心瞑目捺落妄想聖門固無此學卽禪

宗亦斥之爲空亡外道矣又斥之爲守尸鬼子矣有高之戒
殺長齋則因徃時推究恕字之義日見夫羽毛鱗介之屬宛
轉刀俎間食者甚甘死者甚苦惻然大動其不忍之心欲一
一脫之亏死而不能已其獨自刻其口腹親蔬食取儒者之
譏笑而不辭其於佛書則但知翫樂其辭竊其精變已增益
其文術而已固未能測其理際也長者衛道之誠恐其害儒
然儒門有真儒則百代拱而聽命焉孰得而害之無真儒則
其破壞先王之經法者固卽其冠章甫之冠衣逢掖之衣而
與聖人容服相類者也恃長者知愛畧言其趣天寒伏唯願
養多福不備

與彭允初

毘陵拜別後離緒愴結不能自解四顧蒼茫無可告語偏反
嘈雜中勉強坐讀維摩經宗鏡錄長江風波之險亦忘之矣
三月初旬舟過鄱湖巨浪掀播殊甚同舟震恐都無人色羅
生端默半榻話頭炯然絲絲不斷十三日至章門更贛船十
七日長行又讀般若金剛經於平昔工夫時有印證同舟郭
生資質樸愿聞已有爲佛事欣動之并爲書楞嚴耳相圖通
品勸令持五戒未知其能永永奉行否也四月初九日至家
粗悉門內五載之事悲愴煩懣也鬱婁日夜已前所尋豪無
景響假金入冶一鍛便流此其驗矣魔力彊道力弱豈非然
乎豈非然乎乃知中節之難造次顛沛必於是之至密一念
不慎舊習乘之如隄之潰如火之竄遽如劣馬之覓駕急切

不可防禦及其悔之已不可追痛哉痛哉然卒而實信昇寬
親平等之理不至傷耗元氣耳近欲收攝躁擾屏謝塵務而
親老子幼家計櫻_寧不違安處應酬交接維脊膠轕如著敗
衣入荆棘中閉關一願未知何日昇遂遷吳之志極凌而產
業急切無受者莊生云偉哉造化其將已女奚爲將奚已女
適每一誦此茫茫雨涕嗟夫嗟夫足下知吾心耳淫魯薛諸
君子知吾心耳不敢更求喻於悠悠之人也長齋繡佛前終
當竟吾之志而後卽安但願來生早出家悟明大事并願諸
君子結同參兄弟之緣爲遯世無悶大丈夫今縱不敢自廢
而向道而行徃徃值險峻而却步離合斷續之迹太粗其尙
希望底於有成乎況孑然寡儔侶扶之者鮮敗之者蠅集而

磨至恐見仆焉念足下與諸君子獎掖教誨之雅足下謂吾
能無感悵否邪足下境地之優朋儕中所稀邁宿世修持定
有大遠於人人者宜珍之惜之專精一趣毋怠毋忽毋浪費
日月十種禪那非無奇特境界然既落外道究歸淪墜辦之
不可不早也足下恬淡寡嗜欲求道之心至虔而有高終有
未慊於足下者已足下尚未專精一趣猶惑於旁劇他岐之
涂也所已致惑之由則由未能竺信古佛諸祖善權方便之
教爲善權方便而遂已爲有實法與人故逡巡次且少演造
融洽之樂此又不可不亟辦也經云知我說法如筏喻者法
尚應捨何況非法杜舟中讀憨山老人觀楞伽記辨析魔事
上應佛心其功不杜永明壽禪師之下恨不尋與足下淫薛

諸君共讀之當自確然知發軔之不可苟然矣今睽違數千里未由面商幸將御選語錄反復甄味要使入處浚定無疑爲第一義斷不可顛預從事自悞來生言辭切直不知所裁伏望教之不一

與彭允初二

客歲四月抵家卽具書陳其所罹之難所諭仁智禮樂之實讀之痛心未易言也粗詳徃札不忍再云平昔慕道浮淺無熏蒸之誠竟至於茲又何言哉今獨奉父母而別居寥落之况人所難堪閒勉自懲抑求古聖賢之旨旨乎其悲愁憤鬱之志而已致兩老人不能有桑榆之樂矣悲哉悲哉非兄勗我之深者未易爲一二道也自經憂患已來自覺於六波羅

密中亏忍辱波羅蜜爲昇力正知正見時晦章日用持循
處終費手腳未若未至家前有輕安自杜之味也去年諸親
朋日久不聚首相邀談讌周旋亏百里數百里之閒吉凶之
文積而相委不昇不稱量已應至夏未而家慈大病經營醫
藥之外泥首哀佛而已幸佛天見憐藥漸有效至今正平復
入夏而健健愈亏曩時心中所慙暢者此一事耳去年又多
爲族中兄弟點畫古書今正乃自理漢書一編後漢書一編
亏雞犬嘈雜中今三月祖先祀事畢爲族子弟醵邀入山講
藝其山曰鳳皇山拔起員聳數十仞人跡罕至其半精藍土
壁剝落甚陋然昇早晚禮佛炷香靜坐又昇理莊子一編卽
子一編而奉御選語錄爲攷觀之師雖未渾然充然游泳

矩矱之中而爲善之志日有朝饔夕飧之味察惡益覺日細
唯昏惰之來猶有因仍而遂之者常自愧也自抵家至今皆
平健無諸疾苦見人無老幼賢愚樸秀勸之爲善今亦有感
動者山中從游諸子有任之者有聰明才氣所志甚正知
孝弟忠信爲行亏事親從兄能恭順特施亏外多偏激又少
失學亏本分事未知回向也其餘敦愿寡文與之言爲善皆
欣然此別後之可爲兄告語者去年黃應方歸里嘗遣人至
舍所寄文字俱收到公復寄問懷庭書讀之愴感涕零繼以
舞蹈誠大快樂不可言若身爲之又若我親庇其治樂甚進
飲而醉又懷庭風節將必有見亏世其德器冲和卓遠有君
子之容其剖浚是非有君子之辯其澹澹噩噩忘利害有君

子之操益 國家明德醜懿之所培養自應有徵亏士大夫
者亏韓閭兩君見之矣何卒與之同時且昇與之友也亏公
復書中又昇接懷庭警欬又忤也又聞大紳主公復兩賢相
資趣當益濫又忤也處窮山中久良朋闊絕所與游皆其所
教者率進軌攻吾缺者茲寡昇聞君子聲響若晤對慚巖形
矣然因是尤不敢自損廢已傷諸君子知人之明爲諸君子
文游之羞也家居讀宋明諸先生書固當然實際理地究當
于論語大學中庸孟子擴疏義而濫觀之則諸先生之所至
者吾循其級已至之諸先生之所未至者吾昇知其弊之所
倪弊之所底而不復襲兄其已爲何如也不復爲他說殺亂
之云弟則未敢濫信至聖四十乃不惑何言之易也是非之

界常犬牙相錯玉石相函吾輩學至老死曰名教倫常爲見
杜之藩籬而密微致察于日用行習之地坦然至足怡然樂
循不動眩于外而後知爲我有知爲我有則知至而止曰之
辨物則物察曰之知言則言判蓋孟子知言亦杜四十不動
心之時而知乃自信末易言也夫自儒者談學曰來其立幟
定向者有不曰其知爲不可加者哉攷其實焉梟毋入主出
奴者居十七八乎其行身制事皆卓然百世之型而揆之至
聖立教之指其已爲至足焉否耶喻如人類之域于居居大
厦曰爲濶遠矣居山林曰爲清幽矣居璿室瑤臺曰爲貴麗
矣長南習南而適于南長北習北而適于北矣久則性矣北
人游杭樂鹵湖之美及念家室思親朋則必浹然而返駕何

則性安之未可卒然而移也如置其習而曠觀于大同之原
安有之患乎夫惟能觀于大同者然後可與別是非之實也
希安隱進益將日不安隱日不進益矣修德有常度居業有
恆功涵濡而調御之若潤燥木若馴生馬追之則且折而投
之湯鑊乎過綬之乎提撕縣微致力而實無爲不求日異
祇求日明此又弟今日自見之愚兄其曰謂何如也

與王先祿書

往歲接汪君欽慕閣下力學誠懇不日旣貴輟業銳意踵門
問學及潔心進謁而閣下有楊州之行未嘗不自慨其緣分
之薄也不意德音遠被忘勢地之闊絕而與之演言如此用
心求之古昔尙其難之兼之錫曰壽言榮施所生其爲銘感

尤莫云喻有高自少寡殖長愈雜昏雖其志不甘自廢亦嘗
博陳前代之書息徧治之自充益過三十矣猶昧然不尋
其統倫是日亏當世賢者聞其名誠樂而思親炙之而終不
設遽請所業者固自揣其樗散無彫飾之質也恭承嘉惠教
息淡長雖其不敏敢虛至意勉策駑駘無怠無置繼此二十
年底幾尋從容杖履惟所進退乎難易之說實中理經之情
輒近疏家避難趨易故繆結之處至今未明然有高嘗聞之
師曰爲治經當先其本統後其支末本統尋則支末舉未悉
閣下所謂先攻其難者其卽本統之說乎其曰理節盤錯急
不尋解者爲難乎更希閣下之申諭之也自漢以來經師多
人師鮮閣下身際 休明躬浩瀚之學遠方士人方且樂亏

閣下觀經學之施儀出處之準兼經師人師之美鄭孔諸君亦將望領而卻步焉又何暇與空疎滕口之子較優劣哉樞衣侍講未知何時肅此恭候迴體萬福爲士類珍重不一

與韓公復書

去春辱惠詩情致縣遠嗟之欲淚墜也第浮沈京華至去冬十月中旬方出京至蘇與允初暢聚開闢習靜凡七十日始質信尋定性書爲聖學骨髓又曰此書之指讀明道先生他遺言徃徃有會雖零章斷句皆可寶貴各現圓光恨足下出親吏事不尋面質也今春靜中忽默誦鵬鳩之詩忻忻生解曰爲與論語修己曰敬修己曰安人之訓若合符節請貢其說唯足下裁教之說曰桑者葉柔中飼蠶可曰衣被民庶也

其子七者喻衆也或杜梅或杜榛或杜棘者喻民之智愚賢否不齊而所處之美惡異也鴈鳩惟杜桑者喻民雖習染不同而君子唯一視而子之一視而仁之子之仁之柔之曰教而已矣此在桑之說也然教必施之有漸而放之有本本者誠身之謂也故曰其儀一兮雖然儀之一也其表也表匪裏不章故曰心如結兮蓋言君子曰善則化民其發之威儀容止者若是其可慕可法也其厯久而不渝臨常變禍福而不改若是其一也如見君子之心焉乾乾不息兢兢不息而後能若是也子有七而君子知自謹其儀而已不求之子也杜梅者子之修潔敦義者君子與之行揖遜之禮矣杜榛者其蕪而未飭者也君子正之杜棘者其險踣而未舒者也君子

正之正之如何曰柔柔之道表曰儀孚曰誠初不外求亏民也斯安人安百姓不外修己曰敬之說也夫四境之主有司之身也身之主心也萬化起亏微眇萬善原亏方寸豈不易簡豈爲難知濂溪先生曰果而確無難焉果也確也非足下誰任之矣道遠無緣悉新政施理次第然揣知足下必有曰異乎俗吏之爲但不識何時會面互相議論如京師時念此輒不禁流涕也懷庭質直溫粹儼然古人弟敬之畏之愛之嘗與允初道其人風義之美推爲吾鄙數君子之冠將來儋負世事者弟竊首懷庭屈一指李渠不棄我曰友待我心毋不怠也足下前諭欲曰教職相委弟已敬布一書未知達否弟願終身長居學地聘顏爲師弟誠患之不設蹈也政餘伏

望加意靜修爲士民自愛

與韓公復二

別後杜京益宗寔常喜聽懷庭論說而懷庭有事部中不能
長晤去夏自吳歸里丐毘陵舟中安釋鴈鳩之詩奉塵左右
想久達矣今七月九初專使至舍已足下與懷庭書橐及會
文檄寄至讀之歡怒無量豈弟君子民之父母足下既能勉
之矣能不暢然然尙有進者設粗陳其端足下牽擇而教之
昔明道先生嘗黏視民如傷四字于座右曰我常愧此四字昨
讀與懷庭書倡神明吐納之間微有自喜之意若不可復益
者夫不可復益其念至微然足已爲梗于中使吾中不虛不
虛則明時有所蔽而慮事時或不情見理時或不審則弊蠹

之潛滋暗長者反足爲善政之累武城絃歌之章言公氣象不可不覲存也卣子有言病加亏小瘡語曰堯舜其猶病諸此與明道先生之意同邪否邪營目四海則足下之所抒淵然疏越嗣響平湖弔空言迂生自知不足裨益囊末然私心愛仰之誠竊欲足下爲明道先生不欲足下呂龔黃朱張自畫也將來出京定迂道過訪飽聽四民誦聲紀呂文章藏之呂爲後來加民之範不勝企切之至

復彭允初

三月杪奉手教敬仰讚歎歡喜無量如此可謂絕利一原矣但自度度人本無二理念佛參禪寔非兩事如果心心不斷則萬境皆融人我雙忘普度已畢一刻如此卽是一刻坐道

場一日如此卽是一日坐道場推之一月一季一生下牀上
牀無非淨土淨名云隨其心淨則佛土淨又云不盡有爲不
住無爲淨土功德不可思議本是大根器人實地修行正當
法門不容又生分別高下之見卽雲谷老人集中荅曹居士
書剖判已盡雪脰公清從此潑入妙莊嚴路有何迂曲所慮
依恃古佛威力妙觀察智不流躲閃隨順一微不覺潛引業
緣滋長無明吞舟夏漢則萬善門中又多一番因果矣弟近
來提撕寔覺分曉只是斷續不成片段尋究根原終是名利
受用之心盤錯深固剔拔不盡且兼有愛護意杜願吾兄不
惜舌頭爲我極力下一痛棒有高知恩人定當承受不敢緇
肴毋目下劣衆生棄我不一

荅楊邁公書

去年會試後三月尋奉書時方東載出京未遑報也至蘇州
痛聞先孺人見背之音促舟奔歸喪次哀荒故舊來往書問
漫不復省視今春夏間校理散亂文帙尋手敘愴然感懷反
覆觀不厭情辭斐蔚何與我之濫也論末俗師友之弊有味
乎其言之韓柳二公常有啓予之歎也後方稱臚學術致淹
積然頗不謂然謹白之先民有言不雜學故明記曰先王之
祭川也皆先河而後海或原也或委也此之謂務本君子之
學未嘗不欲博也有統類矣不欲雜不欲醜天下之水不勝
其支天下之山不勝其貫爛爛之星不勝其羅能者別三垣
定五星紀宿離匡分野尋南北之戒奠河漢之經而諸星諸

山諸水杜綱矣天下之言不勝其龐天下之書浮怪雷同勦說不勝其蔓斷之曰聖經縣之曰倫物蔑如也雖然經之蝕蛟久矣自漢曰來儒先彌縫廓治其事至勤故尚有未完然而學者昇曰盡心焉利祿驅人古經古注疏閣之而已功令表程朱至約矣章縫之徒而亦不復循覽別精造畸術爲速化師弟子承續遞嬗牢不可破德行不如古事業不如古文章不如古曷怪乎邇季天子屢下明詔風厲學官而海內習故嗜常烝動者鮮有高嘗竊痛之每讀詔書輒自咎向學太遲出太早修贄不誠無曰對天休夙夜發奮思自竭困累人事不能專一季三十有七矣中壽就木不遠尚何冀哉然不敢自廢墜覃思役精需斃而已足下季力彊

志剛氣銳欲徧摩古人之壘而有高竊曰爲足下說學而未
明統類也夫學不擇不精擇而不詳孰不精不明統類擇猶
未擇也傳曰反聽之謂聰內視之謂明自勝者彊天之生民
也聰明勇力具備焉迨其後外墜內壅而聰明不居靡接于
私好惡而勇力屈仁者憫之故前聖亟書後賢匡闕失牖樹
斯民使全其見聞勇力夫見察則能清道而行也聽遠則能
預防也力盛則或躡而不陷也斯則學之本事學之統類也
其治怪尪瑣漫妍好之說者是斷聰明僨血衄求眩震亏人
者也非其質已杜放絕之科已若夫辭非君子之所廢也本
淡則條原盛則流成章則達吾甘芻豢焉懼吾兄弟不知芻
豢之旨也吾被裘帛而溫處夏屋而適而念吾兄弟猶有無

衣者露宿者吾昇晏然乎辭而明之一體之愛然也是故君子達則事辭兼窮則單辭辭非君子所廢也嗟夫誠說學者希矣足下誠說學則吾願足下無擾于榮利無動于近世名人之業無要目前之虛譽一意樸學曰古經古注疏爲菽粟之田浚耕而輒糴之不終畝不越畔而營辦其嘉種薙其穠莠寬其程曰俟燥策之曰斂曰乘時雨之降鑑之獨曰防其鹵莽繩之言行觀之喜怒哀樂之發曰防其威裂無役心于有獲無挫志于旱澣之季豐歉饑飽默而受天撥穡耘耨永矢之而勿諠燥至風涼落其馨香然後擇周秦兩漢諸子曰爲之珍饌擇唐曰下至竝世醇儒之言曰稍致其亨飪生孰之宜跪拜而獻之吾君號吾兄弟之餒者默餐之值其塞

則退而養吾親肥吾身飫吾子孫樂吾鄉鄰足下能無意乎哉資材參差人殊之天之降之不殊也足下無校焉爲之而已不息而已無雜學而已卽謂天之降之不無殊則請呂郁子之言同一之卽子曰大天而息之孰與物畜而制之從天而頌之孰與制天命而用之錯人而息天則失萬物之情又曰驥一日而千里騊馬十駕則亦及之矣將呂窮無窮遂無極與其折骨絕筋終身不可呂相及也將有所止之則千里雖遠亦或遲或速或先或後胡爲乎其不可呂相及也又曰陸步不休跛鼈千里一進一退一左一右六驥不致又曰學也者固學止之也惡乎止之止諸至足曷謂至足曰聖王也聖也者盡倫者也王也者盡制者也兩盡者足呂爲天下極

矣故曰爲之而已不息而已無雜學而已有高魯頑嘗誦斯言曰自勉昏惰畏沮則誦斯言爲警策足下六驥之才也而曰曰聞者寔恐足下偶爲跛鼈所先無一進一退一左一右取道不浚也足下誦陽明子之言則已知紛紛者百戲之場矣何尙裴回也將毋故進退左右憐跛鼈而欲待之與愈使愚者怪惑矣道遠致書甚難不暇曰不誠之言罔足下亦願足下誠心內之脂車就道無岐無待餘語具別紙不宣

荅楊邁公書二

前惠書足下所僂引若朱文公小學陸子制用篇司馬公家訓呂氏鄉約陽明子拔本塞原論甚善終身守而行之有不能盡者雖然飲水必尋原伐木宜至裡古經諸先輩立訓之

相原也曰畏天命曰慎獨曰敬曰直內義曰方外又諸先輩
治經之相原也古經廣大悉備矣天道浹人事周徹幽明靈
蠢此賢洪纖要其相原不越畏天命慎獨敬義而已願足下
自三古順流而下不願足下溯洄而上溯洄而上功力浩費
而成未可必雖成不全順流而下半事倍功更願足下炳其
大相大原行微積微造微優游盤樂于微曰聖人邈世无悶
四言正其鵠希著則敗矣故曰衣錦尚絀惡其文之著也毛
氏著者也其言僞虛憍恃气好治辟說陵駕古儒先甄苑煥
勝也放絕之湯陸百世之師也嚴事之然象亏陸之攻擊陽
明子也無取焉是市井相詈也失儒者之度矣靈壽之政聖
門弟子之從政也其自居也嚴其與人也恕其子民也誠其

攻擊陽明子明之偶有所蔽也。不足揜其醇。前李氏經生也。其業盛矣。而未落其實也。其書瑕瑜半。其瑜者徃徃失之巧。是故欲著而不忍。欲闇淡簡溫而未能者也。孫氏未之詳也。蔡先生有高師承之原也。誠樂善而幾于充實者也。彭先生仕而逸者也。其出若雲其處也介。于石古之閉關人也。後李氏其始也著其末路知反而潛亏。陸其亏文也。無迎距其論議。褊激好已。記問勝豪者也。方先生其服古之辭也。竺其論文術義法詳矣。其失也局小。學三家未之有明焉。故其文力求雅馴。而未免俚。夫文之爲道也。視其原原盛矣。隨地理之高下曲折放而之海而已矣。而義法自生焉。不前定也。小學三家蕪塞久足。下有志于承文。尙修之。顧氏古忠孝之士也。

有闇淡之意者矣攷證之學近世未有先焉者其日知錄所言類純實不泛雜有裨于治其論學則勢而爲知者小玷惟此耳其音學五書一廓從來通叶之蔽使學者復聞三代古音其功鉅其用力勤近休寧江先生慎修更彌縫之古音完矣若顧氏所謂豪傑之士也朱氏溫秀有雅材然非顧氏比何毛氏之可儕邪足下竝舉焉謨矣然足下誠精治古注疏則有高所論贅疣也不足縣亏心府足下其自爲信然否也

集賢居士集

卷三

集賢居士集卷三終